

爛喉疳痧輯要

1867年



宣統元年春三月再版

爛喉疔痧輯要

初版同治六年

叙言

爛喉痧卽瘟疫之一也一人患此卽傳染於一家或傳染於一方其來勢甚暴其傷人甚速蘇浙向有是症金陵近年亦多所以死亡相繼者由治之不得其法又爲白喉忌表一書所誤夫爛喉痧盛於南方此地不聞也白喉盛於北方南地雖有無多也何則北方地寒氣燥家居多用煤火煤毒火熱薰灼一旦觸發肺先受傷喉現白塊白腐肺之本色見故宜養陰清肺湯雖有因感冒發熱者輕解後總以顧肺胃爲主南方地土卑濕濕則生熱一遇感發傳染不必專治其喉宜解蘊熱積濕總以透發爲主初起卽用養陰清肺大不相宜邇來用白喉法而殞命者踵相接以疫邪濕熱不得宣發也昔年四明沈仲禮觀察惠我爛喉痧輯要一書是書爲蘇州名醫金保三先生所撰書雖數頁其治爛喉痧症詢爲

金科玉律與治白喉迥不相同願同志諸君三復此書斯爛
喉與白喉不致兩誤也是爲序

宣統元年杏月花朝日

武進孫亮疇惠臣甫

爛喉痧痧輯要

元和金德鑑保三甫撰

爛喉痧痧至危之症也寒煖非時鬱成厲毒一鄉傳染相同
卽是天行之瘟疫也與尋常咽喉通行痧疹俱迥然不同道
光丙戌己酉兩年吳下大盛余親友患者甚眾醫家不能深
察雜用寒涼目擊死亡者夥矣良由冬不藏陽無冰少雪溫
邪爲寒所束若乘勢表散邪從暢汗者得生否則無有不殞
命者予亦患此症賴陳君莘田重爲表汗始得痧透而痊由
是潛究喉科痧症諸書頗自致疑後得經驗闡解一編不著
誤人姓氏寥寥數頁要言不煩痧痧治法另闢一途足補喉
科之未備余於此症固已深知灼見矣因考古證今刪增闡
解原文備採要法著爲此編非逞臆說也實以閱歷有年方
知此症重在發表不在治喉其喉科自有全書毋庸夾雜若

乃此症四時皆有是在隨時活變總之暢汗爲第一義也

葉天士先生醫案 附錄

雍正癸丑年間以來有爛喉痧一症發於冬春之際不分老幼遍相傳染發則壯熱煩渴痧密肌紅宛如錦紋咽喉疼痛腫爛一團火熱內熾醫家見其火熱甚也投以犀羚芩蓮梔膏之類輒至隱伏昏閉或喉爛廢食延挨不治或便瀉內陷轉眼凶危醫者束手病家委之於命孰知初起之時頻進解肌散表溫毒外達多有生者內經所謂微者逆之甚者從之火熱之甚寒涼強遏多致不救良可慨也

痧痧經驗闡解總論 原本

近年喉痧一症日甚一日且多殞命者其故何也祇緣舍本求末重於咽喉忽於痧子早進寒涼遏伏厲邪之故耳蓋天有六氣俱能生殺萬物凡疾風暴雨酷暑嚴寒四時不正之

氣卽爲厲氣人若感之便能爲害邇年天道南行冬不藏陽
每多溫煖及至春令反有暴寒折伏皆爲非時不正之厲氣
感觸者蘊釀成病所以其症發必一方長幼男女相似互爲
傳染與厲疫同稟氣旺者雖感重邪其發亦輕稟氣弱者卽
感微邪其發亦重夫人肺主一身之氣肺主皮毛脾主肌肉
肺開竅於喉鼻鼻氣通於天氣受邪之時從口鼻而入於肺
脾發必由肺脾而出於肌表當厲毒發作之時熱淫之氣浮
越於肺之經隧所以必現咽喉腫痛鼻塞噴嚏咳嗽胃悶嘔
噁渾身痠痛等形此非厲邪痧子爲本咽喉咳嗽等形爲末
乎今醫不究其受病之因乃執內經諸痛屬火紅腫爲熱急
進寒涼甚至用犀羚石膏金汁黃連等味稍兼辛涼表散以
爲雙解之法體質強旺者幸藉元氣充足或以敵邪致愈稟
之單弱者卽變音啞喉腐氣促腹瀉齒鼻流血舌縮唇焦膚

乾無汗發厥口噤種種險候醫家見之猶曰病重藥輕更以寒涼倍進必致痧毒內陷燔灼愈騰喉閉痰升命歸泉路要知頭面紅腫焮赤正痧毒外達之勢當此之時需進表散開達之劑寒涼清膩等藥一味不可兼雜使其痧從汗透則其毒自然不留其毒既洩咽喉豈有不愈所以先賢諸敗毒散中皆用表散亦同此意命名也余非業醫者因從前子女慘遭其害爰是潛心醫學研究歲運司天數年以來稍悟一班凡有親友患此者商治於余皆以表散開達爲主直待痧回腫退鼻有清涕遍身作癢脫皮方進涼血清解之味靡不應手速效近見蘇杭此症盛行殞命者不少予仰體上蒼好生之德敢將一得管見佈告四方並非立異忌能炫玉求售惟冀醫林高士藥業仁人鑒余微忱勿加訕詈則患者幸甚余亦幸甚

論症 原本

一凡形寒壯熱咽喉腫痛頭痛咳嗽胸悶鼻塞嘔惡兩目汪汪手足指冷脉來濡緩或現浮數此卽厲邪痧症需進後方荆防葛根湯兩三劑俟其暢汗痧透點至足心舌有楊梅刺方進辛涼清解之味總之痧慎於始若有一毫胸臆未清便是痧症未透不可早進寒涼遏伏以致不治

一凡痧症欲出未出之時宜早爲發散以解其毒則無餘患若不預解使之盡出或早投寒涼遏伏多致毒畜於中或爲壯熱日久枯痺或成驚癇或爲瀉痢或爲咽喉腐爛咳血喘促或作浮腫疳蝕而死此雖一一時戾氣之染然未有不由於人事之未盡也

一凡痧疹逡巡不出者乃風寒外束皮膚閉密也宜荆防葛根湯主之外用芫荽酒苧蔴蘸酒戛之 恐露體冒風可

不必用

咽喉如有腫痛腐爛者宜合玉鑰匙散頻頻吹之

一凡形寒發熱面若裝硃痧不出肌卽現上吐下瀉腹痛如絞甚至發厥口噤目閉神昏此乃內挾溫滯痧穢外感戾毒暴寒折伏表裏爲病陰陽不通最屬危候每至朝發夕死不能過兩三日者若投寒涼清解有如操刃急進藿香正氣散加煨葛根牛蒡子蟬衣焦麴等味一兩劑得暢汗止瀉厥止痛停痧得熅赤扶過三日庶無妨礙但此症吐瀉之後津液大傷必然發渴思冷切勿與吞冷水甘蔗水梨一切寒涼之物切忌切忌

一凡熱邪壅於肺逆傳心胞絡痧疹不得出或已出而復沒者乃風寒所遏而然若不早治毒必內攻以致喘急音啞而死急用升麻葛根湯加荊芥牛蒡子桔梗蟬退櫻桃核

浮萍草枇杷葉等煎服外用芫荽酒苧藤蘸酒戛之痧疹復出喘之乃可無虞倘體質單弱者不能透達需用透邪煎或柴歸飲發之如進二湯仍不炊赤者急進託裏舉癍湯

一凡痧疹只怕不能出若出得暢盡其毒便解故治痧疹者貴慎於始發熱之時當察時令寒暄酌而治之倘時令嚴寒卽桂枝葛梗湯或麻黃湯俱可用勿拘辛溫遲疑二湯內俱加入牛蒡子蟬衣桔梗發之如時令大熱以升麻葛根湯加牛蒡辰砂蟬衣益元散發之如果熱火充熾稍加生石膏三四錢亦可倘時令平和以荆防葛根湯加浮萍草發之務使發得透暢莫使其絲毫逗留致生變幻纏綿痧後切忌大葷海鮮酸醃瀟辣之物以杜後患切囑切囑

論症續要

一 凡服表散之劑必得汗至足心痹痧透咽痛止胃悶舒方無餘邪若有痧汗少或痧現卽隱症勢最險或痧後重感風邪或食新鮮發物必有餘毒爲患俗稱痧尾是也痧膨痧癰痧癰內外諸症百出慎之

一 凡服事之人最爲要緊必須老成可靠者約日終夜不得倦怠病人不可脫裏衣以被緊蓋出汗後不可使露致汗不暢若任性貪涼雖方藥中病亦難奏效蓋痧邪當發出之時病人每悶不可耐稍一反側於被內使露以爲適意痧點卽隱毒從內陷適意卽速死之道也

一 凡痧多屬於肺陽氣從上頭面愈多者爲吉若餘處見而面部不見者名白面痧白鼻痧症最重必多用升發之劑至於痧多屬於脾隱在皮膚之間或成塊如雲頭而突多起於手足身背之上發則多癢或麻木是兼濕痰之故藥

宜佐以滲濕祛痰有先見疔後見痧亦有疔而不痧痧而不疔者亦有喉腐不見疔痧者表汗則一也

一凡喉痧由來已久綱目云天行喉痺一鄉相似屬運氣之邪火或寒藥下之酸藥點之鬱其邪於內不得出也正傳云火性急速發必暴悍必以從治之法甘桔荊防加以溫藥爲導徐徐頻與不可頓服切不可驟用寒涼之藥繆仲醇云痧疹不宜依症施治惟當治肺使痧疹發出則了無餘蘊矣

一凡神昏譫語惟當透肺邪不宜用寒涼即使痧回脫皮舌紅唇燥餘火熾盛只須輕清洩肺爲主是集後方藥中所不載者明眼人當深知其意

一凡咽喉閉毒氣歸心胃前腫滿氣煩促下部洞泄不止者死若初起咽喉腐嘔吐清水神昏譫語目光上竄脈瀦伏痰

聲如鋸者不治又三四日內津涸舌光唇齒焦黑鼻扇口
張目無神者亦不救

要方

荆防葛根湯

葛根一錢半或一錢 牛蒡子三錢 桔梗錢半 炒荆芥
錢半 枳壳一錢 白杏仁三錢去皮尖便塘者勿研
生甘草四分 土貝三錢去心研 炒防風錢半
加浮萍草三錢 防風荆芥不炒亦可

升麻葛根湯 痧點隱隱不透者用之

升麻五分 葛根錢半 赤芍錢半 荆芥錢半

牛蒡三錢 桔梗錢半 蟬衣一錢 櫻桃核三錢

浮萍草二錢 生草四分

託裏舉斑湯

升麻一錢見點後不用 柴胡五分 歸身五分瀉者勿用
赤芍一錢酒炒 浮萍三錢 水炙甘草五分

原方有白芷一錢 製山甲一錢 當酌用之

蟬衣牛蒡荆芥象貝隨症可加

透邪煎 柴歸飲與此相同加柴胡

防風 荆芥 升麻 炙草 蟬衣 牛蒡 歸身 赤芍

藿香正氣散 茅朮川朴濕重舌白膩者用

蘇葉 藿梗 桔梗 陳皮 製茅朮 厚朴 蟬衣 生

甘草 牛蒡 茯苓 焦神麴 半麴 煨葛根

玉鑰匙 卽子字吹藥

治一切喉症腫痛腐爛長肉生肌始終用之

製元明粉五錢 硼砂五錢 硃砂六分 冰片五分 製

蠶五分

用新傾銀罐先礪後硝層層間鍊如昇枯礬之狀鬆脆爲貴研極細末置冷地出火氣後加冰片 金不換方卽前方加人中白三錢 青黛三錢 其元明粉入西瓜皮內冬天懸當風瓜上搗孔孔中鑽出之硝名曰瓜硝又方加西牛黃三分 濂珠細末三分 杜牛膝汁末皆可然此屬有餘家用之亦可不總以子字吹藥爲准

申字嗽喉散

元明粉七兩 雄黃三錢

右研細末用二三錢調入蘿蔔汁燉溫一大碗以羊毛筆蘸汁洗掃之或嗽喉吐去老痰如有杜牛膝打汁調和更妙但不可多嚥防作瀉

辰字探吐方

治牙關緊閉吐藥之最靈者

眞膽礬三錢 卽石膽也

冬月用青魚膽拌陰乾研極細末水調送下此藥入口無有不嘔者一切喉腫乳蛾吐出頑痰立鬆如無青魚膽製者亦可用

無價散 徐洄溪方

治悶痧不出亦治悶痘

雄猪糞 臘月用火煨至煙盡水漂白研洗淨三錢 冰片二分 絹包投入煎劑內立驗

異功散膏藥 孕婦忌用切不可入口

斑蝥四錢 去翅足糯米炒黃去米不用此米須與磚石同包沉於大河之底誠恐食毒人至囑至囑 血竭 沒藥

乳香 全蝎 元參各三分 麝香 冰片各三分

右爲細末磁瓶固封一切喉症及牙痛用尋常膏藥一張